



Ka Moporesidente Thomas S. Monson

Go obamela Go Tlisa Masego

Kitso ya boammaaruri le dikarabo go dipotso tsa rona tse dikgolo ditla go rona fa re obamela melao ya Modimo.

Barwarre le bokgaityadiaka ba ba rategang, ke ka malebogolo a magolo jang ao ke tlang go lona mo mosong ono. Ke batla ketseto ya tumelo ya lona le dithapelo jaaka fa Ke fetogela monyetla wa go buisanya le lona.

Mo dingwageng tse difitileng, banna le basadi bane ba senkile kitso le tlhaloganyo mabapi le go tshela ga selefatshe le karolo ya bone mo maikemisetsa a lone, le fela kwa tseleng go isa kagisong le boitumelong. Tshenko e e ntseng jalo e tserwe ke rona.

Kitso e le tlhaloganyo e teng go batho botlhe. E mo boammaaruring jo bo yang bosa khutleng. Mo Dithutong le Dikgolaganong tsetlana 1, temana ya bo 39, re bala jaana, “Bonang, mme bona, Morena ke Modimo, mme Moya o fa pego, mme pego e e boammaaruri, mme boammaaruri bo tlaa nna ka bosenang bokhutlo.”

Mmoki o ne are:

Lentswa legodimo le tsamaya le motswedi wa lefatshe o thubega,

*Boammaaruri, tlhakanyo ya
botshelo, botlaa tepe loabi go
gaisa,
Goisa bosa khutleng, bosa fetoge,
goya goile.¹*

Bangwe ba ka botsa, “Boammaaruri joo bo ka bonwa kae, mme re ka bo lemoga jang?” Motshenolong e e neng e filwe ka Moporofeti Joseph Smith ko Kirtland, Ohio, ka Motsheganong 1833, Morena o ne a bega:

“Boammaaruri ke kitso ya dilo jaaka fa dintse, le ka fa dileng ka teng, le ka fa ditlaa nnang teng. . . .

“Moya wa boammaaruri ke wa Modimo. . . .

“Mme ga go ope motho yo o amogelang ka botlalo fa e se a tshegetsang melao ya gagwe.

“Ope yo o tshegetsang melao ya gagwe o fiwa boammaaruri le lesedi, gofitlhela a galalediwa ka boammaaruri mme a itse sengwe le sengwe.”²

A tsholofelo e e galalalang! “Ope yo o tshegetsang melao ya [Modimo] o fiwa boammaaruri le lesedi, gofitlhela a galalediwa ka boammaaruri

mme a itse sengwe le sengwe.”

Ga go tlhokege gore nna le wena mo ngwageng wa tshedimosetso, fa efangele ka botlalo e buseleditswe, gore re tsamaye mo mawatlang a a sa iketlang kgotsa re tseye loeto mo tseleng tse di sa tshwaiwang re senka motswedi wa boammaaruri. Go nne Rraetsho yo o kwa Legodimong yo o lorato o setse a dirile tsela ya rona mme a re fa mmepe yo o sa tlhologeng—*kobamelo*. Kitso ya boammaaruri le dikarabo tsa rona tse kgolo di e tla go rona fa re obamela melao ya Modimo.

Re ithuta kobamelo botshelo jwa rona jotlhe. Re simolola fa re sale banye thata, bao ba ba nang le maikarabelo go tlhokomelo ya rona ba tlhoma kwa pele mela ya kaelo le taolo go bona gore re sireletsegile. Botshelo bo ka bo bole motlhofo thata go rona rotlhe fa re ne re obamela ditaolo tseo ka botlalo. Bontsi jwa rona, le fa go ntse jalo, re ithuta ka maitemogelo bothale jwa go obamela.

E rile Ke gola, selemo sengwe le sengwe gotsweng kwa tshimologong ya Phukwi go fitlhela tshimologo ya Lwetsi, lelwapa lame le ne le nna kwa khabineng kwa Phakeng ya Vivian Canyon mo Utah.

Mongwe wa ditsala tsame tse di tona ka sebaka seo sa malatsi ao a reneng re sa kgathalele mo khanyoneng e ne ele Danny Larsen, yo o le bone ba neng ba na le khabine kwa Phakeng ya Vivian. Letsatsi lengwe le lengwe nna le ene re ne re gwanta mo pharataeseng ya basimane, re tshwara ditlhapi mo megobeng le mo nokeng, re kgobokanya mantswe le matlotlo a mangwe, re ya dithabeng,

re pagama, le go ipela ka bomothlofo motsotso mongwe le mongwe wa oura ya letsatsi lengwe le lengwe.

Moso mongwe Nna le Danny rene ra tsaya tshwetso ya gore re nne le molelo wa kampa mo mantsiboeng ao rena le ditsala tsa rona tsotlhe tsa kwa khanyeneng. Re ne re tlhokana le go sutisa lefelo mo tikologong e e gaufi koo rotlhe re ka kgobokanelang gone. Tlhaga ya Seetebosigo e e neng e apere tikologo eo e omeletse e tlhaba, e dira gore tikologo e seka ya siamela maikemisetso a rona. Re ne ra simolola go komola tlhaga e telele, re rulagantse go sutisa lefelo le legolo, le le dikologang. Re ne re kumola gape re goga ka thata ya rona yotlhe, mme seo reneng re se bona e ne ele mo go nnye ga mhero yo o neng o le dingalo. Re ne re itse fa tiro e e ne e ya go tsaya letsatsi lotlhe, mme fela matsapa a rona le boikaelelo jwa rona bo ne bo setse bo tsamaile.

Mme seo Ke neng ka akanya fa ele karabo ya botlalo e ne ya tla go tlhaloganyo ya yo o dingwaga tse di borobabobedi. Ke ne ka re go Danny, "Se re se tlhokang ke go tlhoma mhero ona mo mo molelong. Re tlaa *tshuba* sekele mo mherong!" O ne ka potlako a dumalana, mme Ke ne ka tabogela kwa khabening ya rona go ya go tsaya matlhokwa a le mmalwa.

A go seka ga nna le ope wa lona yo o akanyang gore ka ngwaga tseo tse di kalo re ne re dumeletse go dirisa matlhokwa (a molelo), Ke batla gore ke lo itsise gore rotlhe nna le Danny rene re sa letlelelwe go a dirisa go sena tlhokomelo ya mogolo. Rotlhe re ne re tlhagisitswe gantsi ka kotsi ya molelo. Lentswa go ntse jalo, Ke ne ke itse gore lelwapa lame le baya kae matlhokwa (a molelo), gape re ne re tlhokana le go sutisa lefelo leo. Go sena kakanyo epe ya bobedi, Ke ne ka tabogela kwa khabineng ya rona mme ka tla ka matlhokwa a mmentshisi, ke netefatsa gore ga go ope yo o lebileng. Ke ne ka di fitlha ka pela mo nngweng ya dikgwatlha tsame.

Kwa go Danny Ke ne ka taboga,

ke itumeletse gore mo go nna Ke na le karabo ya mathata a rona. Ke gakologelwa gore ke ne ke akanya gore molelo o ya go tukela fela ko bokgakaleng joo re batlang le gore re tlaa bo jalo ka kgonagalo ya masalamose o itima ka bo one.

Ke ne ka kgwarinya mo letlapeng mme ka tshuba tlhaga e e omeletseng ya Seetebosigo ka molelo. E ne ya tlhotlhelesega jaaka e kete e ne e so-ukilwe mo gaseng. Lwantlha Danny le nna re ne re itumetse thata jaaka fa rene re bona mhero o nyelela, mme ka bonako go ne ga lemosega gore molelo ga o ne o tima ka bo one. Re ne ra akabala fa re lemoga gore ga go sepe seo re ka se dirang go o emisa. Molelo oo o o neng o tshosa wa simolola go tsamaela kwa tlhageng ya naga go ya godimo ga thaba ka fa letlhakoreng, o tshosetsa ditlhare tsa motlhwane le sepe fela seo se neng sele mo tseleng ya one.

Lwa bofelo re ne re sena tshwetso epe fa ese go tabogela go ya go kopa thuso. Ka bofebo botlhe banna le basadi bao ba neng bale teng kwa Phakeng ya Vivian bane ba ya kwa pele le kwa morago ka dibeke di omisitswe metsi, ba betsa matlhasedi (a molelo) go leka go o tima. Morago ga dioura tse di mokawana lwa bofelo mogo saletseng gone ga emisiwa. Ditlhare tsa motlhwane tsa bogologolo wa dingwaga di ne tsa bolokiwa, jaaka le magae ao molelo o neng o ya go kopana nao.

Danny le nna re ne ra ithuta dithuto tse di thata tse di mokawana mme dile botlhokwa letsatsi leo— e seng mo go nnye mo go leng botlho kwa jwa go obamela.

Go na le ditaello le melao eo e re thusang gore re nne mo tshireletsegong mo ka senama. Jaaka moo, Morena o re file mela ya kaelo le melao gore thusa gore re nne mo tshireletsegong ya semowa gore re tle re atlege go tsamaela mo botshelong jo gantsi bo nang le diphatsa tsa selefatshe mme re boele kgabagare go Rraetsho yo o kwa Legodimong.

Go losika lo lo neng lo tlwaetse ka

ngwao ya setlhabelo sa phologolo, Samuele o ne ka bopelokgale a bega, "Go obamela go botoka mo go feng setlhabelo, le go reetsa gona le go fa mahura a dinku."³

Mo tebalelong e, Morena o senotse go Moporofiti Joseph Smith gore O batla "pele le tlhaloganyo e e maikemisetso; mme bao ba ba ikemise-ditseng e bile ba obamela batlaa ja bomolemo jwa lefatshe la Sione mo malatsing a a bofelo."⁴

Baporofiti botlhe, ba bogologolo le ba segompiano, ba ne ba itsile gore go obamela bo botlhokwatlhokwa mo pholosong ya rona. Nifae o ne a bega, "Ke tlaa ya go dira dilo tse Morena a di laotseng."⁵ Lentswa ba bangwe bane ba tlholwa mo tumelong le kobamelo ya bone, Nifae le fa ele gangwefela ga a ise a palelwe go dira seo Morena a neng a se mo kopa. Dikokomane tseo di sa buiweng di ne tsa segofadiwa ele maduo a seo.

Polelo eo e tlhotheletsang mowa ya kobamelo ke ya ga Aborehama le Isake. Ka fa go neng go le botlhoko gole thata mo go ka bong go le go Aborehama, go obamela taolo ya Modimo, go tsaya morwaagwe yo o rategang Isake kwa lefatsheng la Morea go mo fa ele setlhabelo. A re ka akanya ka bokete jwa pelo ya ga Aborehama jaaka a ne a sepelela go ya kwa lefelong leo le neng le beilwe? Ka nnete bohutsana bo tshwanetse jwa bo bo ne bo tlhorontshitse mmele le go koofatsa tlhaloganyo ya gagwe jaaka a ne a bofa Isake, a mmeile mo aletareng, mme a tsaya thipa go mmolaya. Ka tumelo eo e neng e sa palelwe le go tshepa gotlhelele Morena, o ne a retologetse kwa taolong ya Modimo. A kgalalelo eo ya go utlwa puisego, le ka kgakgamatso e ne ya amogeselwa fa e tla, "O seka wa baya letsogo la gago mo mosimanyaneng, le fa ele go dira sepe go ene: go nne jaanong Ke a itse gore o boifa Modimo, ke bona o sa seegela thoko morwaago, morwaago yo o esi gotswa go nna."⁶

Aborehama o ne a lekilwe a lekisegile, mme ka tumelo ya gagwe le kobamelo Morena o ne a mo fa

tsholofetso e e galalelang e: “Mo peong ya gago ditshaba tsotlhe tsa lefatshe ditlala segofadiwa; ka gonne o ne o obametse lentswe lame,”⁷

Lentswa re sa kopiwe go supegetsa kobamelo ya rona ka tsela eo e bofeho ya pelo e e fetolang, kobamelo e a tlhokiwa go rona le rona.

Ga bega Moporesidente Joseph F. Smith ka Phalane 1873, “Kobamelo ke molao wa ntlha wa legodimo.”⁸

Ga buwa Moporesidente Gordon B. Hinckley, “Boitumelo jwa Baitshhepi ba malatsi a Bofelo, kagiso ya Baitshhepi ba malatsi a Bofelo, tswelelopele ya Baitshhepi ba malatsi a Bofelo, katlego ya Baitshhepi ba malatsi a Bofelo le pholoso ya bosa khutleng le kgoleletso godimo ya kgalalelo ya batho ba e ikaegile mo go tsamayeng ka kobamelo mo kga-kolong ya . . . Modimo.”⁹

Go obamela ke tshwaelo ya kono-kono ya baporofiti; e tlisitse thata le kitso go bone gotlhe go kgabaganya dingwaga. Go bothlokwa tlhokwa gore re lemoge se gore, le rona, re na le tshwanelo ya motswedi wa thata e le kitso. E teng ka bofeho go mongwe le mongwe wa rona gompiano jaaka fa re obamela melao ya Modimo.

Ka go kgabaganya dingwaga, Ke itsitse batho bao ba sa balweng bao ba neng ba le boikanyego ba na le kobamelo. Ke segofaditswe le go tlhotlheletswa ke bone. Mpe ke abelane le lona bale babedi ba batho bao.

Walter Krause e ne ele leloko leo leneng le itsetsepetsa la Kereke yo o, ene le lelwapa la gagwe, ba tshidileng koo go neng ga itsagala ele Jeremane wa Botlhaba go latelela Ntwa ya Bobedi ya Lefatshe. Lentswa a ne a lebananwa ke makete ka ntlha ya kgololesego e eo eneng e seo mo lefelong leo la lefatshe ka nako eo, Mokaulengwe Krause e ne ele monna yo a neng a ratile e bile a direla Morena. O ne ka boikanyego a na le setswalo a diragatsa thomo epe fela eo a neng a e filwe.

Monna yo mongwe, Johann Denndorfer, matsalwa wa Hungary, o ne a sokologela mo Kerekeng kwa

Jeremane mme a kolobediwa koo ka 1911 ale dingwaga tse 17. Mme mo sebakeng se se seng setelele morago ga moo o ne a boela kwa Hungary. Go latelela Ntwa ya Bobedi ya Lefatshe, o ne a iphitlhela tota ele legolegwa kwa lefatsheng la goo boo rraabo, mo Toropokgolong ya Debrecen. Kgololesego ene le yone e tserwe mo bathong ba Hungary.

Mokaulengwe Walter Krause, yo o a neng a sa itse Mokaulengwe Denndorfer, o ne a amogela thomo go nna moruti wa gae wa gagwe le go mo etela makgetho a le mmalwa. Mokaulengwe Krause o ne a bitsa mmata wa gagwe wa moruti wa gae mme are go ene, “Re amogetse thomo go etela Mokaulengwe Johann Denndorfer. A o tlaa nna teng go tsamaya le nna beke e go ya go mmona le go mo fa molaetsa wa efangele?” Mme a bo a tlatsa, “Mokaulengwe Denndorfer o tshela ko Hungary.”

Mmata wa gagwe yo a neng a hahgametse o ne a botsa, “Re tlaa tsamaya leng?”

“Ka moso,” ga tla phetolo go tsweng go Mokaulengwe Krause.

“Re tla boela gae leng?” ga botsa mmata.

Mokaulengwe Krause o ne a fetola, “Ao, morago ga beke—fa re *kgona* go bowa.”

Kebao bommati ba baruti ba gae ba ne ba tsamaya go etela Mokaulengwe Denndorfer, ba sepela ka terena le ka bese gotsweng kwa bokone bo tlhaba jwa kgaolo ya Jeremane go ya ko Debrecen, Hungary—mosepele o motelele tota. Mokaulengwe Denndorfer o ne a sekile a nne le baruti ba gae e sale pele ga nntwa. Jaanong, fa a bona batlhanka ba ba Morena, o ne a hupediwa ke malebogo a gore ba tsile. Lwantlha o ne a gana go ba tshwara matsogo. Mo boemong jwa moo, o ne a ya kwa kamoreng ya marobalo mme a ya go tsaya bokose e nnye ya khabenete e na le tsa bolesome jwa gagwe joo o bo bolokileng ka dingwaga tse dintsi. O ne a baya pele tsa bolesome jwa gagwe go baruti ba

gagwe ba gae mme are go bone, “Jaanong ke siamolodisitse le Morena mo bogompionong. *Jaanong* Ke ikutlwa ke itekanetse semoweng go tshwara matsogo a batlhanka ba Morena!” Mokaulengwe Krause o ne a mpolelela gore morago ga moo o ne a amegile go fitisa mafoko go akanya gore moikanyegi yo wa mokaulengwe, yo o neng a sena kamano le Kereke mo dingwageng tse dintsi, o ne a na le kobamelo mme ka dikgato tsotlhe fela a tsaya lemme la gagwe la tuelo diperesente tse 10 gore a duele tsa bolesome jwa gagwe. O ne a e bolokile a sa itse gore o tlaa e duela leng kgotsa gore a o tlaa nna le tshono ya go e duela.

Mokaulengwe Walter Krause o ne a tlhokafala dingwaga tse di robang bongwe ale dingwaga tse 94. O diretse ka boikanyego le ka kobamelo botshelo jwa gagwe johlhe e bile o ne ale motlhotlheletsi mo go nna le mo go bao ba ba neng ba moitse. E ne ere a kopiwa go diragatsa thomo, o ne a sa botse, o ne a sa ngongorege, gape o ne a sa fe maipato.

Barwarre le bokgaityadiaka, teko e tona ya botshelo joo ke kobamelo. “Retlala ba leka gotsweng fa, “ga bua Morena, “go bona gore a ba tlaa dira dilo tsotlhe tseo Morena Modimo wa bone a tlaa ba di laelang.”¹⁰

Ga bega Mmoloki, “Go botlhe bao ba batlala nnang le lesego gotswa mo letsogong lame batlala tshhegetsamolao o o beilweng go lesego leo, le diemo tsa teng, jaaka di filwe gotsweng pele ga motheo wa lefatshe.”¹¹

Ga go sekai sepe seo se se tona sa kobamelo se seleng teng gona le sa Mmoloki. Ka ga Ene, Paulo o ne a ela tlhoko:

“Lentswa e ne ele Morwa, mme o ne a ithuta kobamelo ka dilo tseo a di bogisegetseng;

“Mme le go nnisiwa ka botlalo, o ne a nna mokwadi wa pholoso ya bosa khutleng go botlhe bao ba ba mo obamelang.”¹²

O supile lerato le la mmannete go Modimo ka go tshela botshelo jo botletseng, ka go tlotla mmishene

wa Gagwe o o boitshepo. O ne ase ka gope A sa ikgantsho O ne ase ka gope A sa ikgogomotse ka boikgantsho O ne ase ka gope A sa dire mo go sa tshepegeng Goisa bosakhutlheng O ne ale boikokobetso. Goisa bosakhutlheng O ne ana le bopelontle. Goisa bosakhutlheng O ne a na le kobamelo.

Lentswa a ne A reelwa ke mong wa botsietsi, eleng tota saatane; lentswa a ne ka senama a le bokowa mo go itimeng dijo malatsi ale 40 le masigo ale 40 gape “a ne a tshwerwe ke tlala”; mme e ne yare saatane a re o fa Jeso thaelo ya kgogedi le dikakanyo tsa yone, O ne a re fa sekai sa bomodimo sa kobamelo ka go gana go fapogela mo go se A se itseng gore se siame.¹³

E ne yare a lebaganwe ke botlhoko kwa Gethsemane, ko a ikutlwetseng

botlhoko jo bo kalo mo eleng gore mofufutso wa gagawe ene ele marothodi a madi a wela fa fatshe, O ne a fa bokao jwa Morwa o o Obamelang ka gore. Ntate, fa o rata, ntsha kopi e gotswa gonna: le gale e seng thato ya me, mme ya gago e diragale.”¹⁵

Jaaka Mmoloki a ile a fa taelo go Baaposetole ba Gagwe , ka jalo o laela nna le wena, “Ntshaleng morago.”¹⁶ A re eletsang go obamela?

Kitso eo e re e senkang, dikarabo tseo re di ngoretsweng, le thata eo re e eletsang gompiano go itepatepana le digwetlho tse di mafaratlhatlha tsa lefatshe la phetogo e kanna ya rona fa re ikemisetsa go obamela melao ya Morena. Ke balolola gape mafoko a Morena: “Ope yo o tshegetsang melao ya [Modimo] o bona boammaaruri le lesedi, go fitlhela a galalediwa ka boammaaruri le kitso ya sengwe le

sengwe.”¹⁷

Ke thapelo yame ya boikokobetso gore re kanna ra segofadiwa ka khumo ya tuelo eo e solofeditsweng go bao ba ba obamelang. Mo leineng la ga Jeso Keresete, Morena le Mmoloki wa rona, amene.

DINTLHA

1. “Oh Say, What Is Truth?” *Sefela*, sa bo. 272.
2. Dithuto le Dikgologano 93:24, 26–28.
3. 1 Samuele 15:22.
4. Dithuto le Dikgologano 64:34.
5. 1 Nifae 3:7.
6. Genesis 22:12.
7. Genesis 22:18.
8. Joseph F. Smith, “Discourse,” *Deseret News*, Nov. 12, 1873, 644.
9. Gordon B. Hinckley, “If Ye Be Willing and Obedient,” *Ensign*, Dec. 1971, 125.
10. Abrahama 3:25.
11. Dithuto le Dikgologano 132:5.
12. Baheberwa 5:8–9.
13. Bona Mathaio 4:1–11.
14. Luke 22:42.
15. Luke 22:42.
16. Johane 21:22.
17. Dithuto le Dikgologano 93:28.

Dithuto tsa Nako ya Rona

Boperesiti jwa ga Melekhesedeke le Mokgatlo wa Thuso mo Sontageng wa bone o tlaabo o remeletse mo “Dithutong tsa Nako ya Rona.” Thuto nngwe le nngwe e ka baakanyediwa mo puong e nngwe kgotsa dipuo tse di ntsi mo khonforenseng ya kakaretso ya bosheng (bona chate fa tlase). Boporesidente jwa Seteiki le jwa kgaolwana bo ka tlhopha dipuisano tse ditla dirisiwang, kgotsa ba ka neela bobishopo le boporesidente ba makalana maikarabelo ao. Baeteledipele ba tshwanetse go gatelela boleng jwa bakaulengwe mo Boperesiting jwa Melekhesedeke le bakaulengwe mo Mokgatlong wa Thuso go ithuta dipuisano dile dingwe mo Sontageng yo o.

Bao ba ba tsenelelang dithuto tsa Sontaga wa bone ba rotloediwa go ithuta le go tliša motlung ya borutelo buka ya kgatiso ya khonforense ya kakaretso ya bosheng.

Megopolo go Ipaakanyetsa Thuto go tsweng Dipuisanyong

Rapela gore Mowa o o Bo-itshepo o nne le wena jaaka o

ithuta le go ruta (di)puisanyo. O ka nna wa raelesega go baakanyetsa thuto eo o dirisa didirisiwa di sele, mme dipuisanyo tsa khonforense di mo togamaanong ya thuto e e letleletsweng. Thomo ya gago ke go thusa ba bangwe go ithuta le go tshela efangele e e rutwang mo khonforenseng ya kakaretso ya bosheng ya Kereke.

Lebelela (di)puisanyo, o senka melawana le dithuto tse dikgotsofalelang letlhoko la maloko a tlelase. Gape batla metshameko, kaedi ya dikwalo tsa tumelo, le ditemana go tsweng (di)puisanong tse ditla a go thusang go ruta boammaaruri jo.

Dira methhale ya gore o tla ruta jaang melawana le dithuto tse. Akanyetsa o balela dipotso tseo di thusang maloko a tlelase:

- Leba melawana le dithuto mo (di)puisanyong.
- Akanya ka ditlhaloso tsa tsone.
- Abelana go tlhaloganya, megopolo, maitemogelo, le bopaki.
- Diragatsa melawana le dithuto tse mo matshelong a bone.

DIKGWEDI TSE DITHUTO TSE DI RUTWANG KA TSONE	DI DIRISIWA TSA THUTO YA SONTAGA WA BONE
Moranang 2013–Phalane 2013	Dipuisano tseo di neetsweng ka Moranang 2013 ka khonforense ya kakaretso*
Phalane 2012–Moranang 2014	Dipuisano tseo di filweng ka Moranang 2013 ka khonforense ya kakaretso*

* Ka Moranang le Phalane dithuto tsa Sontaga wa Bone, (di)puisano di ka nna tsa tlhoshwa gotsweng mo khonforenseng e e fitileng kgotsa gotsweng mo go e e mo bosheng. Dipuisanyo tse diteng ka (diteme tse difarologanyeng) ko conference.lds.org.



Ka Moporesidente Henry B. Eyring
Mogakolodi wa Ntlha mo Boporesidenteng jwa Ntlha

“Tla go Nna”

Ka mafoko a Gagwe le sekai sa Gagwe, Keresete o re bontshitse gore re ka atumela gaufi le Ene jang.

Ke fa ditebogo go bo ke na le lona mo konferenseng ya Kereke ya ga Jeso Keresete ya Baitshepi ba Malatsi a Bofelo. E ke Kereke ya Gagwe. Re tsaya gorona leina la Gagwe jaaka fa re tsena mo bogosing jwa Gagwe. Ke Modimo, Motlhodi, gape o ka botlalo. Re ba selefatshe kafa tlase ga loso le sebe. Le fa go ntse jalo o re rata le ba malwapa a rona, O re laetsa gore re nne gaufi le Ene. Fana ke mafoko a Gagwe: “Atumelang gonna mme Ke tlaa atumela go wena; ntshenkeng ka tthagafalo mme lo tlaa mpona; botsa, mme o tlaa amogela; kokota, mme go tlaa bolesegela go wena.”¹

Ka paka e ya Phaseka re gakololwa gore ke eng re Mo rata gape le ditsholofetso tse a di dirang go barutwana ba Gagwe bao ba ba boikanyego gore ba nne ditsala tsa Gagwe tse di rategang. Mmoloki o dirile tsholofetso eo mme a re bolelela gore, mo tirelong ya rona go Ene, a tle go rona. Nngwe ya sekai se se mo tshenolong go Oliver Cowdery jaaka a ne a direla Morena ka Moporofite Joseph mo go ranoleng Buka ya ga Momone: “Bonang o Oliver, mme Ke buile le wena ka ntlha ya dikeletso tsa gaggo; ka jalo

nna le khumo ya mafoko a mo pelong ya gaggo. Nnna boikanyego gape o le tthagafalo mo go tshegetseng melao ya Modimo, mme Ketlaa go dikologa ka matsogo a lorato.”²

Ke nna le maitemogelo a boipelo jwa go tla gaufi le Mmoloki le Ene a tla gaufi le nna gantsi thata ka ditiro tse di motlhofo tsa kobamelo mo melaong.

O nnile le maitemogelo ao. E kanna ya tswa gonngwe ele fa o tsena phuthego ya sakeramente. Go nna ene ele Sabatha fa ke ne ke santse kele monnye. Ka malatsi ao re ne re amogela sakeramente ka sebaka sa phuthego ya bosigo. Kgakologelo ya letsatsi le le lenngwe mo di ngwangeng tse di fetang 65 tse di fitileng, jaaka Ke ne ke tshageditse molao go kgobokana le balelwapa lame le Baitshepi, o ntse o nkatumetsa gaufi le Mmoloki wame.

Go ne gole bosigo gape gole tsididi. Ke gakologelwa ke ikutlwa lesedi le bothitho mo Chapeleng mantsiboeng ao ke na le batsadi bame. Re ne ra a ja sakeramente, eo e neng e diragaditswe ke batshegetsi ba Boperesiti jwa ga Aarone, ke golagana le Rraetsho yo o kwa Legodimong gore

ke tlaa gakologelwa ka metlha Morwa wa Gagwe le go tshegetsa melao.

Kwa bofelong jwa phuthego re ne ra opela sefela “Abide with Me;” Tis Eventide,” ka mafoko a a moteng “O Mmoloki, nna le nna bosigo jo na.”³

Ke ne ka ikutlwa lorato la Mmoloki le bo gaufi jwa gagwe mo mantsiboeng ao. Mme ke ne ka utlwa kgomotsotso ya Moya o o Boitshepo.

Ke ne ke batla go tukisa gape maikutlo a lorato la Mmoloki le bo gaufi joo ke bo utlwileng ka sebaka sa phuthego ya sakeramente ka bonana jwame. Jalo ke ne mo malobeng ka tshegetsa molao o mongwe. Ke ne ka senka mo dikwalong tse di boitshepo. Mo go tsone, Ke ne ke itse fa ke ka boela gape go nna le Moya o o Boitshepo nte ke ikutlwe seo barutwana ba babedi ba Morena o o tsogileng baneng ba se utlwa fa a ne A amogela taletso ya bone go tla mo gaeng la bone go nna le bone.

Ke ne ka bala letsatsi la boraro morago ga Papolo ya Gagwe le phitlho. Basadi ba ba boikanyego le ba bangwe bane ba bona letlapa le kolokototsweng go tsweng mo phuphung mme ba bona mmele wa Gagwe o seo. Bane ba tlile ka lorato go Ene go otsa mmele wa Gagwe.

Baengele babedi ba ne ba ema mma ba botsa gore ke eng le tshogile, ba re:

“Ke eng lo senka batshidi gareng ga baswi?”

“Ga ayo fa, mme o tsogile: gakologelwa gore o buile lelona fa a ne a na le lona kwa Galalia,

“A re, Morwa motho o tlaa isiwa mo matsogong a banna ba baleofi, mme o tlaa bapolwa, mme letsatsi la boraro o tlaa tsoga gape.”⁴

Efangele ya ga Mark e tlatsa kaelo go tsweng mongweng wa baengele are: “Mme tsamayang ditseleng tsa lona, lo ye go bolelela barutwana ba gagwe le Petoro gore o ya pele ga lona kwa Galalia: mme koo lo tlaa mmona, jaaka a buile go lona.”⁵

Baapaosetola le barutwana bane ba kgobokane kwa Jerusalema. Jaaka fa re ka bo re le ntse, ba ne ba tshogile gape ba hakgametse jaaka ba ne ba buisanya mmogo ka ga loso le dipego tsa tsogo ya baswi ya Gagwe gore e raya eng go bone.

Barutwana ba babedi ba ne ba tsamaela kwa Jerusalema mantsiboeng gotsweng kwa Jerusalema mo tseleng e e yang kwa Emmause. Keresete yo o tsogileng o ne a iponagatsa mo tseleng mme a tsamaela kwa go bone. Morena o ne a tlele kwa go bone.

Buka ya ga Luke e re fa monyetla go tsamaya le bone:

“Mme go ne ga tla, gore, fa ba buisanya mmogo mme ba a fanisa mabaka, Jeso keresete ka boene o ne a atumela gaufi, mme a tsamaya le bone.

“Mme matlho a bone a ne a tshwewe gore ba seka ba mo itse.

“Mme o ne a re go bone, Ke puisanyo e e ntseng jang eo le nang nayo mmogo, jaaka le tsamaya, mme le hutsafetse?

“Mme mongwe wa bone, yo o leina la gagwe eneng ele Cleopase, a araba go ene, A o moeng fela mo Jerusalema, mme ga o ise o itse dilo tseo di diragetseng mo malatsing a?”⁶

Ba ne ba Mmolelela ka bohutsana jwa gore Jeso o tlhokafetse jaaka ba ne ba tshpile go Ene gore e tlaa nna Morekolodi wa Iseraele.

Go ka bo gone go na le kutlwe-lobotlhoko mo lentsweng la Morekolodi yo o tsogileng jaaka fa a ne A bua le barutwana bao ba ba hutsafetseng ba babedi ba ba lelang:

“Jaanong o ne are go bone, Ao dieleele, le lona bao le bonya go dumela gotlhe mo baporofiti baneng ba go buile:

“A Keresete o ne a sa tshwanela go bogisegela dilo tsena, le go tsena mo kgalalelong ya gagwe?”

“Mme go simolola ka Moshe le baporofiti botlhe, o ne a ba otlolosetsa go bone dikwalo tsotlhe tse di boitshepo dilo tseo mabapi le ene.”⁷

Jalo go ne gatla motsotso o o thuthafaditseng pelo yame e sale kele mosimanyana:

“Mme bane ba atumela gaufi le motse, koo baneng ba ya teng: mme o nea dira e kare o tlaa ya pele.

“Mme ba ne ba mo gaka, ba re, Nna le rona: go nne go mantsiboa, mme letsatsi le setse le ile. Mme o ne a ya go nna le bone.”⁸

Mmoloki o ne a amogela bosigo joo taletso go tsena mo ntlong ya barutwana ba Gagwe gaufi le motse wa Emmause.

O ne a nna fa nameng le bone. O ne a tsaya senkgwe, a se segofatsa, a se ngatha, mme a se ba naya. Matlho a bone a ne a bulega mo eleng gore ba ne ba Mo itse. O ne jalo A nyelela go tsweng mo ponong ya bone. Luke o ne a re kwaletse maikutlo a bao barutwana ba ba segofetseng: “Mme ba ne bare ka bo bone, A dipelo tsa rona dine tsa seka tsa tuka mo go rona, fa a ntshe a bua le rona mo tseleng, le fa a re bulela dikwalo tse di boitshepo?”⁹

Ka oura e e tshwanang, barutwana ba babedi ba ne ba ragogela go boela kwa Jerusalema go bolelela ba Apusetola ba ba lesome le bongwe ka ga se se diregileng go bone. Ka nako yeo Mmoloki o ne a iponagatsa gape.

O ne a lebelela gape bo porofito jwa Mmishene wa Gagwe go lefelela maleo a bana ba ga Rara wa Gagwe le go roba dithapo tsa loso.

“Mme are go bone, Ka jalo go kwadilwe, mme go utlwisa botlhoko thata Keresete go bogisega, le go tsoga gotsweng baswing letsatsi la boraro:

“Le gore boikwatlhao le phimolo ya maleo e tshwanetse go rerwa mo leineng la gagwe gareng ga ditshaba tsotlhe, go simologa kwa Jerusalema.

“Mme le basupi ba dilo tse.”¹⁰

Mafoko a Mmoloki a boammaaruri go rona le gone go bao ba ba neng ele barutwana ba Gagwe nako eo. Re basupi ba dilo tse. Mme taelo ya

kgakgamalo e re e amogelang jaaka re kolobetswa mo Kerekeng ya ga Jeso Keresete ya Baitshepi ba Malatsi a Bofelo go ne go beilwe ka tlhamalalo go rona ke moporofiti Alema dingwaga tse di makgolo tse di fitileng kwa metsing a Momone.

“Mme go ne ga diragala gore a ba re ye a re: Bonang, metsi a Momone ke a (gonne jalo a ne a bidiwa) mme jaanong, ka le eletsa go tsena mo sakeng la Modimo, le go bidiwa batho ba gagwe, mme lo rata go thusana merwalo ya mongwe go yo mongwe, gore e ka tla ya nna motlhofo;

Ee, mme lo batla go lela le ba ba lelang; ee, le go gomotsa ba ba tlhokang kgomotso, le go ema lo le basupi ba Modimo ka dinako tsotlhe le mo dilong tsotlhe, le mo mafelong otlhe a lo ka bong lo le mo go one, le go fithelela loso, gore lo tle lo rekololwe ke Modimo, mme lo balwe le bao ba tsogo ya ntlha, gore lo tle lo nne le botshelo jo bosakhutleng—

“Jaanong Ka re go lona, fa se ele keletso ya dipelo tsa lona, lona le eng kgatthanong le go kolobediwa mo leineng la Morena, e le bosupi fa pele ga gagwe gore lo tsene mo kgolaganong le ene, gore lo tlaa mo direla mme lo tshegetse ditaello tsa gagwe ka bontsi mo go lona?

“Mme jaanong fa batho ba sena go utlwa mafoko a, ba ne ba opa diatla tsa bone ka boipelo, mme ba re: Se ke keletso ya dipelo tsa rona.”¹¹

Re ka fa tlase ga kgolaganano gotlhe go tsholetsa bao ba ba tlhokang le go fa bosupi jwa Mmoloki ka sebaka se se lekanang le se re tshelang ka sone.

Re tlaa kgona go dira jalo re sa palelwe fela fa re ikutlwa lorato lwa Mmoloki le lorato lwa Gagwe go rona. Jaaka fa rele boikanyego go ditsholofetso tseo re di dirileng, re tlaa utlwa lorato la rona go Ene. E tlaa oketsega ka gore re tlaa utlwa maatla a gagwe le go atumela ga Gagwe gaufi le rona mo tirelong ya Gagwe.

Moporesidente Thomas S. Monson o re gakolotse ka tsholofetso ya Morena go baikanyego ba barutwana: “Mme ope yo o go amogelang, koo

Ketlaa bo kele teng gape, gonne Ketlaa ya kwa pele ga sefathlego sa gago. Ke tlaa bo ke le mo mojeng le mo molemeng wa lona, le Mowa wame o tlaa bo o le mo dipelong tsa lona, gape baengele bame ba tlaa lo dikaganyetsa, go le tshegetsatsa.”¹²

Go na le tselo e nngwe gape eo nna le wena re Mo utlwileng a atumetse gaufi le rona. Jaaka fa re ithapedisa ka tirelo go Ene, o atumela gaufi le bao re ba ratang mo malwapeng a rona. Nako le nako fa Ke sena go bilelwa tirelo ya Morena go sutisa le go togela lelwapa lame, Ke tlile ka bona gore Morena o ne a segofatsa mogatsaka le bana bame. O baakantse batlhanka bao ba ba lorato ba Gagwe le ditshono tsa go atumetsa lelwapa lame gaufi le Ene.

O utlwile masego ao a a tshwanang mo matshelong a lona. Bontsi ba lona le na le bao le ba ratang bao ba ba sasankegang mo mebileng ya go isa botshelong jwa bosa khutleng. O hakgamalela gore o ka dirang se sengwe gape go ba tlisa kwa morago. o ka ikanya Morena gore a go atumetse gaufi le bone jaaka fa o Mo direla ka tumelo.

O tlaa gakologelwa tsholofetso ya Morena go Joseph Smith le Sidney Rigdon fa bane ba ile kgakala gotsweng go ba malwapa a bone mo tirong ya Modimo: “Ditsala tsame Sidney le Joseph, bamalwapa a lona ba siame; ba mo diatleng tsame, mme ke tlaa dira go bone seo ke bonang se ntshiametse; gonne mo go nna go na le maatla otlhe.”¹³

Jaaka Alema le Kgosi Mosaeya, bangwe ba botsadi jo bo ikanyegang ba ne ba diretse Morena ka sebaka mme ba ne ba na le bana bao ba ba neng ba lathegile lentswa batsadi ba bone ba ne ba dule setlhabelo go Morena. Bane ba dirile gotlhe mo ba neng ba ka go kgona go se nko e ntshang lemina, le tota gotsweng kwa ditsaleng tse di lorato tse di boikanyego.

Alema le Baitshepi ba malatsi a gagwe ba ne ba rapelela morwaagwe le barwaagwe Kgosi Mosaeya. Moengele o ne a tla. Dithapelo tsa gago

dithapelo tsa bao ba katisang tumelo ditlaa tlisa batlhanka ba Morena gore ba thuse maloko a malwapa a gago. Batlaa ba thusa gore ba ithophele tselo go ya gae kwa Modimong, le tota bantse ba tilhasetswe ke Saatane le balatedi ba gagwe, bao maikemisetso a bone eleng go senya malwapa mo botshelong jo, le go isa bosa khutleng.

O tlaa gakologelwa mafoko a a builweng ke moengele go Alema yo Mmotlana le barwa Mosaeya mo butsuoloding jwa bone: “Mme gape, moengele o ne are: Bona, Morena o utlwile dithapelo tsa batho ba gagwe, le gape dithapelo tsa motlhanka wa gagwe, Alema, yo e leng rrago; gonne o rapetse ka tumelo e tona mabapi le wena gore o ka tla wa tlisiwa mo kitsong ya boammaaruri; jalo he, ka maikhelelo a ke tlile go go dumedisa ka ga thata le taolo ya Modimo, gore dithapelo tsa batlhanka ba gagwe di ka tla tsa arabiwa go ya ka fa tumelong ya bone.”¹⁴

Tsholofetso yame go wena yo o rapelang le go direla Morena ga e ne enna ya gore o tlaa nna le masego otlhe ao o ka a ikeletsang le ba lelwapa la gago. Mme Ke ka go solofetsa gore Mmoloki o tlaa go atumela mme a segofatse wena le bale lwapa la gago ka seo se gaisang. O tlaa nna le kgomotso le lorato la Gagwe le go ikutlwa karabo ya Gagwe e atumela gaufi fa o otlolola matsogo a gago go fa tirelo go ba bangwe. Jaaka fa o bofa dintho tsa bao ba ba tlhokang mme o ofa Tefo ya Gagwe eo e phephafatsang go bao ba ba hutsafeleng mo boleong, maatla a Morena a tlaa go tlamela. Matsogo a Gagwe a otlololesegile go a gago go go thusa le go segofatsa bana ba ga Rraetsho yo o kwa Legodimong.

Go na le kgalalelo ya gotla gae moo re go baakanyediwang. Re tlaa bo jaanong re bona tirego ya tsholofetso ya Morena yo o re mo ratileng. Ke Ene yo a re amogelang mo botshelong jwa bosa khutleng le Ene le Rraetsho yo o kwa Legodimong. Jeso Keresete o ne a e tilhalosa jaana:

“Senka go tlisa pele le go nitamisa Sione. Tshegetsatsa melao yame mo dilong tsothle.

“Mme, fa o tshegetsatsa melao yame mme o itshokela go ya bo khutlong o tlaa nna le botshelo jo bo sa khutleng, e mpho eleng kgolo go gaisa dimpho tsa Modimo tsothle.”¹⁵

“Go bao ba ba tshelang ba tlaa rua lefatshe, mme go bao ba ba swang ba tlaa ikhutsha mo perekong tsa bone, mme ditiro tsa bone di tlaa ba sala morago; mme ba tlaa amogela korone mo mantlontlong a ga Rara wame, ao Ke ba a baakanyeditseng.”¹⁶

Ke fa bopaki jwa gore re ka Moya ra sala taletso ya ga Rraetsho yo o kwa Legodimong: “Yo Ke Morwaaka yo o Rategang. Mo Utlwe!”¹⁷

Ka mafoko a Gagwe le sekai sa Gagwe, Keresete o re bontshitse gore re ka ya go Ene jang. Ngwana mongwe le mongwe wa ga Rraetsho yo o kwa Legodimong yo o ithopheletseng go tsena ka kgoro ya kolobetso mo Kerekeng ya Gagwe o tlaa nna le tshono mo botshelong jo go rutiwa efangele ya Gagwe le go utlwa gotsweng mo batlhankeng ba Gagwe bao ba biditsweng, fa A ba laletsa are, “Tlang go nna.”¹⁸

Motlhanka mongwe le mongwe wa Gagwe mo teng ga bogosi jwa Gagwe mo lefatsheng le kwa lefatsheng la semowa o tlaa amogela kaelo ya Gagwe ka Moya jaaka fa ba segofatsa ebo ba direla ba bangwe ka Ene. Mme ba tlaa utlwa lorato la Gagwe mme ba bone boipelo mo go gogediwang gaufi le Ene.

Ke mosupi wa Tsogo ya Baswi ya ga Morena ka netefatso e e jaaka e kete ke ne kele teng mo mantsiboeng a barutwana ba babedi mo ntlong ya tselo ko Emmaus. Ke a itse gore O a tshela fela ka netefatso ya ga Joseph Smith fa a ne a bona Rara le Morwa mo leseding la moso o o neng o phatshima mo ditlhatshaneng tsa kwa Palmyra.

Se ke Kereke ya boammaaruri ya ga Jeso Keresete. Ke fela mo dinotlolong tsa boperesiti tseo di tshagediawang ke Moporesidente Thomas S. Monson go

nang le maatla go rona a go konotelelwa rele malwapa go tshelela bosenang bokhutlo le Rraetsho yo o kwa Legodimong le Morena Jeso Keresete. Re tlaa re ka Letsatsi la Katlholo re eme fa pele ga Mmoloki, re itebaganye sefatlhego mo sefatlhegong. E tlaa nna nako ya boipelo go bao ba ba ileng gaufi le Ene mo tirelong ya Gagwe mo botshelong joo. Go tla nna boipelo go utlwa mafoko: "O dirile sentle, wena mosiami le motlhanka yo o boikanyego."¹⁹ Ka jalo Kefa a bopaki kele mosupi wa Mmoloki yo o tsogileng gape ele Morekolodi wa rona Jeso Keresete, amene.

DINTLHA

1. Dithuto le Dikgologano 88:63.
2. Dithuto le Dikgologano 6:20.
3. "Abide with Me; 'Tis Eventide," *Sefela*, sa bo. 165.
4. Luke 24:5-7.
5. Mark 16:7.
6. Luke 24:15-18.
7. Luke 24:25-27.
8. Luke 24:28-29.
9. Luke 24:32.
10. Luke 24:46-48.
11. Mosaeya 18:8-11.
12. Dithuto le Dikgologano 84:88.
13. Dithuto le Dikgologano 100:1.
14. Mosaeya 27:14.
15. Dithuto le Dikgologano 14:6-7.
16. Dithuto le Dikgologano 59:2.
17. Joseph Smith—History 1:17.
18. Mathaio 11:28.
19. Mathaio 25:21.